

**EKONOMSKO-SOCIJALNO VIJEĆE ZA TERITORIJU  
FEDERACIJE BOSNE I HERCEGOVINE**

Broj: 03-30/14-*M86* /24  
Sarajevo, 24.05.2024. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno: 28-05-2024			
Org. jed.	Broj	Priloga	Vrijednost
05/1	-02-	221	/24

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
PREDSTAVNIČKI / ZASTUPNIČKI DOM  
n/r gđe. Suade Halilović, zastupnica u PD Parlamenta FBiH**

**PREDMET:** Odgovor na zastupničko pitanje, dostavlja se

Poštovana,

Federalno ministarstvo rada i socijalne politike je aktom broj: 03-02/2-1186/24 JKB od 20.05.2024. godine Ekonomsko-socijalnom vijeću Federacije BiH na nadležno postupanje dostavilo Vaš upit, kojim tražite informaciju kad se može očekivati funkcionalno Ekonomsko-socijalno vijeće Federacije BiH.

S tim u vezi, obavještavam Vas da je odmah po formiranju Vlade Federacije BiH, a shodno Zakonu o radu („Službene novine Federacije BiH“, br. 26/16, 89/18 i 44/22) i Sporazumu o osnivanju Ekonomsko-socijalnog vijeća za teritoriju Bosne i Hercegovine („Službene novine Federacije BiH“, br. 47/02, 42/03, 8/08, 51/08, 40/10, 10/11), zatražio sam od socijalnih partnera (Vlade, sindikata i poslodavaca) da mi dostave imena članova delegacija u ESV-u, radi sazivanja konstituirajuće sjednice tog tijela. Imena članova su dostavljena, ali nažalost već godinu dana nije održana konstituirajuća sjednica, zbog ignorisanja Vlade FBiH da ne prisustvuje istoj. Dostavljeno je više pismenih, kao i usmenih intervencija, ali ni do danas nema odgovora od Vlade FBiH. Svaki put su dva socijalna partnera, poslodavci i sinikat, pozitivno odgovorili na moj poziv i iskazali spremnost za saradnju.

Shodno tome, evidentno je da je problem do Vlade FBiH. Sjednicu je moguće organizovati u roku od 72 sata, nakon što se dobije potvrda da će sva tri socijalna partnera prisustvovati istoj. Ekonomsko-socijalno vijeće FBiH je apsolutno funkcionalno i aktivno tijelo. Pitanje treba postaviti Vladi FBiH zašto izbjegava socijalni dijalog, budući da po Zakonu o radu i Sporazumu o osnivanju Ekonomsko-socijalnog vijeća za teritoriju Bosne i Hercegovine, svi zakoni i drugi akti iz oblasti rada, socijalne i ekonomske politike su obavezni da se rasprave na sjednici ESV-a i to prije upućivanja u parlamentarnu proceduru.

S poštovanjem,

Predsjednik ESV FBiH

Ethem Biber s.r.



Dostaviti:

- N/r gđin. Adnan Delić, ministra Federalnog ministarstva rada i socijalne politike,

- N/r gđe. Edite Kalajdžić, sekretara Vlade Federacije Bosne i Hercegovine,  
Veza: akt Vlade Federacije Bosne i Hercegovine, broj: 03-04-838-9/24  
od 26.04.2024. godine,
- N/r gđin. Ivan Miličević, sekretar Predstavničkog doma Parlamenta  
Federacije Bosne i Hercegovine,
- Veza: akt Predstavničkog doma Parlamenta Federacije,  
broj: 05/1-02-221/24 od 23.04.2024. godine.